

Sont des gens courtois et estranges  
 Qui ont droicte figure d'ome  
 Et de l'odeur d'aucune pome  
 Viuent sans plus/et silz vont loing  
 La pome leur fait tel besoing  
 Que si mauuaise odeur sentoient  
 Sans la pome tantost mouroient

**D**es serpens et autres bestes dynde.



**S**yndé a serpens de tel force  
 Qu'ilz deuorēt les cerfz par force  
**A**utres bestes y sont trouuees  
 Qui cenciroles sont nōmees

*Vincensius ybi sit  
 pra.*

Cornes de cerf ont sur leurs frons  
 Poictrine et cuysses de lions  
 Piedz de cheual et grans oreilles  
 Portent ou front/qui est merueilles  
 Leur bouche ronde et leur museau  
 Ainsi que le chef d'un toreau  
 Leurs yeulx ont lun de lautre pres  
 Et la voix d'ome ont apeu pres  
**U**ne autre ya bien fiere beste  
 Qui cōme vng senglier a la teste  
 Corps de cheual queue de lefant  
 Deux cornes d'une aulne de grant  
 Dont lune sur son dos abat  
 Quant de lautre elle se combat  
 Ceste beste est noire et horrible  
 En eue et en terre penible  
 La sont toreaux qui tous bleuz sont  
 Qui grosse teste et la bouche ont  
 Si large que la fendure

Dune oreille a lautre dure  
En ynde vne autre beste ya  
Quon appelle manticoza  
Vilaige dome a. mais les dens  
Sont en la bouche par trois rens  
Yeulx de chieure corps de lion  
Et la queue descorpion  
Voix de serpent/et par doulx chant  
Attraict/et deuore la gent  
Et est plus legiere daller  
Que nest vng oyleau de voler  
Beufz ya qui les piedz rons ont  
Et trois cornes dedens le front  
Vne beste de belle facon  
Vest quon nome monoceron  
Corps de cheual/ piez de elephant  
Teste de cerf/ voix clere et grant  
La queue/ ainsi que pourceaux ont  
Vne corne a/ dedens le front  
Qui a quatre piedz de longueur  
Et droicte/et poinctue en rondeur  
Et tout ce qui lui vient deuant  
Perce et desrompt incontinant  
Et se prinse est p quelque sorte  
De despit elle est tantost morte  
Mais estre prinse ne peut elle  
Que par vne belle pucelle  
Qui bien chante/vng peu se descouure  
Et apres son giron lui ouure  
Lors tantost va la beste et court  
Vers la pucelle puis s'endort  
En son giron/moult simplement

Et lors la prent on en dormant  
Une autre beste ya en ynde  
Moult fiere qui a couleur ynde  
Que tigre par nom on appelle  
Si fort court/et est tant cruelle  
Que quant les veneurs chasser y vont  
Pour prendre autres bestes qui y sont  
Jamais dillec nelchapperoient  
Se par la voye ne mectotent  
Des mirouers/ausquelz sarrestēt  
Les bestes/et se mectent  
A regarder dedens iceulx  
Qui de se veoir sont fort ioyeux  
Luydans que ce soient leurs enfans  
Et vont tout autour tournoyans  
La/tellement a amusez sont  
Que tandis les veneurs sen vont  
Et souuent y sont si surpris  
Quon les pourroit prendre tous vifz  
Une autre beste ya encor  
Laquelle on appelle castor  
Et quant on la chasse pour prendre  
Aux dens le chastre/sans attendre  
Que prinse soit/en delaisant  
A ceulx la qui la vont chassant  
Le que delle veulent auoir  
Pour se sauuer/fait tel deuoir  
Une autre beste y habite  
Comme lors/ainsi petite  
Qui vne bosse a sur elle  
Et musquiliat sappelle  
De laquelle grant odeur part

Les arbres secz sont celle part  
Qui parlerent a alexandre,  
C'Aussi est la salemandre  
Qui vit ou feu/et sen repaist  
Et dicelle vne layne naist  
Dont on fait ceintures et draps  
Que le feu brusler ne peut pas  
C'Vne sorizya si grant  
C'Ôme vng chat et bien fort courant  
C'Vers oriant sont les lions  
Qui le tiers iour vont vers leurs faons  
Après quilz sont nez pour les paistre  
Car plus tost vie/ny peut estre  
Des autres bestes sont vainqueurs  
Et dicelle dominateurs  
Et quant de leurs petiz sen vont  
De leurs queues leurs traces deffont  
Pour les veneurs qui pour les prendre  
Les chassent/pour auoir ou vendre  
C'Le lion craint/et se humilie  
Vers son mainstre/quant il chaitie  
Du bat deuant lui le chien  
Et le doubte sur toute rien  
C'Du premier an la leōnelle  
A cinq leons/mais apres ce  
Chascune foiz diminue de vng  
Tant que ala fin nen porte que vng  
Et atant celle la porture  
Sans ce que plus longuement dure  
C'Plus ya en celle contree  
Vne beste/lazan nōmee  
Petite elle est/et tant rebelle

**S**i tres fiere/et si fort cruelle  
Que nulle autre beste nest seure  
Deuant elle/et a tel nature  
Que le leon doubte et le fuit  
Car souuent l'occist et destruit  
**U**ne autre celle part couerle  
Qui a mainte couleur diuerse  
Blanche et noire est/et belle et gente  
Panthere anom/li odorante  
Et si bone senteur part d'elle  
Que les bestes vont apres elle  
Et quant elle est bien saturee  
De la proye quelle a trouuee  
Trois iours dort/tout entierement  
Et quant seueille vng odeur vient  
Si louef par la bouche dehors  
Que les bestes y courent lors  
Pour sentir celle grant douceur  
fors le serpent/car bon odeur  
Luy nuyt/tant quil en meurt souuent  
**C**este beste na seulement  
Que vne foiz faons et quant les doit  
faouer/a le mal li estroit  
Que aux ongles ront la matris hors  
Tant que le faon/en sort dehors  
Parquoy iamais puis ne sauroit  
Porter faon/et ne pourroit  
**E**n capadoce a des iumens  
Qui concoiuent de par les vens  
Mais ilz ne durent que trois ans  
Lelle part sont les elephans  
Grans bestes/fors/combatans

Perilleux sont/et dangereux  
Car ilz sont fiers et couraigeux  
Par tous lieux se sent bien esbatre  
Et sur eulx se souloient combatre  
Ceulx dynde et de perse souuent  
Car leur dos porte vne tour grant  
De fust/de gens plaine et armee  
Qui soubz leur ventre est bien sanglee  
Ilz ont long museau pardeuant  
Dont ilz mengussent/large et grant  
Lequel faillist deuore et prent  
Vng hōme tout soudainement  
Quant alexandre sen alla  
Pour batailler contre ceulx la  
Qui dessus lesd. elephans  
Combatoient contre toutes gens  
Pour les vaincre plus aiseement  
Fist faire bien subtilement  
Vaisseaux darain/en forme dōme  
Tous plains de feu/et ainsi cōme  
Ses gens pour batailler alloient  
Deuant eulx les vaisseaux menoient  
Pour se garder des elephans  
Qui cuydoient que ce fussent gens  
Et ainsi cōme ilz les happoient  
De leurs museaux/ilz se brussoient  
Tant que plus n'approchoient les hōmes  
Pour les semblances de leurs formes  
Mais tenoient leurs museaux tous hault  
Cuydans que tous fussent si chault  
Questoient les dessus. vaisseaulx  
Pourquoy furent ces gens conquis

Par alexandre et desconfiz  
Elephans vont fort simplement  
Ensemble et bien accordament  
Leschine baissent quant sencontrent  
Et signe deulx saluer monstrent  
Ilz sont de moult froide nature  
Et leurs dens sont dyuoire pure  
Lequel yuoire est si trefort  
Que puis que dessus lui seroit  
Vng linge sur lequel fust mis  
Vng charbon de feu bien apais  
Le linge pas ne brulleroit  
Ains le charbon samortiroit  
Ilz nont que vne foiz en leur temps  
Leurs petiz/quilz portent deux ans  
Trois cens ans vit/la souris doute  
Coleuure et vermine toute  
Se la couleuure a lui se prent  
Elle labat/et mort en prent  
Ses petiz en vng lieu abscont  
Du crapaux ne coleuures sont  
Toujours en leaue ellyles fait  
Car si sur terre les faisoit  
facillement tomber pourroient  
Et iamais ne se leueroient  
Car ilz ont les os de nature  
Des iambes et piedz sans ioincture  
Et quant se veullent reposer  
Contre vng arbre se vont poser  
Pour sapuyer et sejour prendre  
Et pour plus aiseement les prendre  
Larbre ou fait a peu pres syer

Par le bas/et quant l'appuyer  
Retournent/ cōme parauant  
L'arbre chet/et eulx quant et quant  
Et congnoissans/que pouoir nont  
Deulx releuer/ de dueil quilz ont  
A crier et gemir se prēnent  
Tant que aucunelsoiz vers eulx viēnent  
Autres elephans leur ayder  
Mais quant ne les peuent redrecer  
Ilz crient et menent douleur grant  
Et les petiz qui sont soignant  
Soubz eulx se mectent/et soubz lieuent  
Tant que aucunelsoiz les relieuent  
Et ainsi se schapent de mort  
Aucunelsoiz par tel confort  
Mais quant ne les peuent releuer  
Et quilz sont contrains les laisser  
Ilz sen retournent gemissans  
Cōme marriz et desplaisans  
Et puis apres les veneurs viēnent  
Deuers les autres/et les prēnent  
Par leurs engins/et instrumens  
Ainsi prent on les elephās  
C Du fleuve dynde nōme ganges  
A des anguilles/a grans ranges  
Qui ont trois cens piedz de longueur  
Et sont de fort bōne saueur  
C Mainte autre beste orgueilleuse  
A/en ynde/fiere/et hydeuse  
Dragons/serpens/et autres bestes  
Qui cheueux ont en piedz et testes  
Illec les baseliques sont



Qui si venimeux regard ont  
Que dicelui tant seulement  
Font mourir/les oyseaux et gent  
Ceste ont de coq/corps de serpent  
Et nulle beste a lui se prent  
Sur tous serpens est roy et maistre  
L'ome lon dit le lion estre  
Sur toutes bestes le seigneur  
Le plus doubte/et le greigneur  
Blanc et rouge il est ca et la  
Et la terre par ou il va  
Jamais depuis herbe ne porte  
Qui plus est/les arbres amorte  
Sil mort beste ne autre chose  
Jamais beste approcher ny ose  
Plus/a en celle region  
Serpens/a corne de mouton  
Un autre ya/nome aspis  
Qui ne peut estre nul iour pris  
Nenchante/sinon par doulx chant  
Auquel moult grant plaisir il prent  
Mais com le chant premier escoute  
Sa queue en ses oreilles boute  
Qu'il ne loye/et fosse du lieu  
Afin que point ne soit de ceu  
Autre ya/tigris appelle  
Duquel est fait et compille  
Le triacle/qui est requis  
Contre venin/et fort exquis  
Une maniere ya de vers  
Qui ont deux braz/longs et diuers  
Desquelz les elephans abatent

Et retiennent/quant les astrapent  
 Le serpent vit moult longuement  
 Et quant vieil et foible se sent  
 Il se confort par fort ieuner  
 Et se laisse tant affamer  
 Que peu demeure de son corps  
 Lors le met par vng ptuyz hors  
 Dune pierre fort estroict  
 Et se met oultre a tel destroict  
 Que entierey demeure la peau  
 Puis lautre lui vient de nouveau  
 Et ainsi reforme son aage  
 Comme beste prudente et saige  
 Dautres serpens/encores y sont  
 Qui en leurs testes et yeulx ont  
 Maintes pierres precieuses  
 De maintes vertuz plantureuses

**D**es pierres dynde et de leurs vertuz.

*Cicéti<sup>o</sup> vbi supra.*



Nynde est et croist laymant  
 Qui pierre est de vertu grant  
 A lui traict le fer et rauist  
 Par la vertu qui en lui gist

Aussi vient le daymant  
 Quon ne pourroit aucunement  
 Tailler ne rompre/tant est dur  
 Que par le sang du beuf tout pur  
 Autre ya de grant renomée  
 Qui esmeraulde est appelée  
 Qui moult fort les veines conforte  
 Quant sur soy on la tient et porte  
 Lescharboucle y est si luyfant

De nuyt/cōme vng charbon ardant  
Le salfir aussi/qui lenfleure  
Oste des yeulx et lenflameure  
Topaces qui ont couleur dor  
Et rubiz qui vault mieulx encor  
Prou dautres pierres y sont  
Qui grans bontez et vertuz ont  
Mais qui veult sauoir leur afaire  
Si voile lire ou lapidaire  
Qui dit leurs noms et leurs vertuz  
Car ores cy nen dirons plus

Des contrees et regions dalle  
et de leurs choses.

**E**N ynde a de moult grans contrees  
De gens et de bestes peuplees

Et tient. xxxij. regions  
Dont de partie dirons les noms

**P**erse en est vne contree  
Du premierement fut trouuee  
Vne art/qui nigromance a nom  
Quēnemy fait estre en prison

**U**ne poix y est/qui y vient  
Qui est chaulde quant on la tient  
Laquelle croist et puis descroist  
Ainsi que lon voit et congnoist  
De ceste poix laydent les gens  
Lesquelz sont nigromanciens

**A**pres est melopotanie  
Du nynyue fut establie  
Cite moult grant et renomēe  
Car de long eut trois iours dalle  
**U**ne tour a en babilonie

*Uincēt<sup>o</sup> vbi supra.  
Cronica mundi ff.  
militar.*

Qui faicte fut moult a grant peine  
Dont la muraille est moult belle  
Et la tour babel s'appelle  
La quelle du hault iusque en bas  
Après de quatre mille pas  
En la region de calde  
fut astronomie trouuee  
En icelle est la terre sabe  
Pareillement tarse et arabe  
Desquelles trois/les trois roys furent  
Lesquelz incontinant quilz sceurent  
Que ne fut ihesus/et le lieu  
Vindrent l'adorer cōme dieu  
La croissent le mirre et l'encens  
Et peuplee est de maintes gens  
Assirie est grant region  
Jenice aussi qui prent son nom  
Dun oyseau qui fenix s'appelle  
Qui seul est/et de couleur belle  
Quant il meurt aussi tost reuit  
Grant est de corps cōme lon dit  
Dessus son chef a vne creste  
Cōme vng paon a sur la teste  
Il a le col et la poictrine  
De couleur dor/qui lenlumine  
Le dos a/de rouge couleur  
Et la queue/en facon da sur  
Et quant longuement a vescu  
Et son temps de mourir venu  
Il vole sur vne montaigne  
Bien haulte/ou est vne fontaine  
Qui moult est grande / large et belle :

Matheus. ij.

Vng hault arbre est dessus icelle  
Du ion nyd et sepulcre fait  
Despices/ puis quant est pfaict  
Dedens se mett/ les ailles tend  
Vers le soleil/ et sen bat tant  
Que le feu se prend et alume  
Dedens son nyd/ et en la plume  
Tant que tout ars et brulle est  
Et de la cendre/ vng autre en naist  
Puis vient damas et antioche  
Du maint chastel ya sur roche  
Palestine et puis samarie  
Saluste aussi penthapolie  
Ylodome et sodome y furent  
Deux citez qui periller deurent  
Vers celle part est la mer morte  
Qui riens en elle de vis porte  
C'Est melite vne autre contree  
Y est/ la quelle est habitee  
De douze manieres de gent  
Après vient egipte la grant  
Du nue/ ne pluye ne vient  
Qui. xxiij. peuples tient  
C'Plus a vne autre region  
Grande/ deuers septentrion  
Du demourer nulz homes vont  
fors femes/ qui moult fieres sont  
Car contre les homes combatent  
En champ/ et maintz y en abatent  
Armees sont come vng chevalier  
Et ont leurs tresses par derrier  
femes sont de grande prouelle

Mathews. 9.

Dut faicte fut moult a grant peine  
Dont la muraille est moult belle  
Et la tour babel s'appelle  
La quelle du hault iulque en bas  
Après de quatre mille pas  
En la region de caldee  
fut astronomie trouuee  
En icelle est la terre sabe  
Pareillement tarse et arabe  
Desquelles trois/les trois roys furent  
Lesquelz incontinant quilz sceurent  
Que ne fut ihesus/et le lieu  
Vindrent l'adorer cōme dieu  
La croissent le mirre et l'encens  
Et peulee est de maintes gens  
L'Assirie est grant region  
Fenice aussi qui prent son nom  
Dun oiseau qui fenix s'appelle  
Qui seul est/et de couleur belle  
Quant il meurt aussi tost reuit  
Grant est de corps cōme lon dit  
Dessus son chef a vne cresse  
Cōme vng paon a sur la teste  
Il a le col et la poitrine  
De couleur dor/qui lenlumine  
Le dos a/de rouge couleur  
Et la queue/en facon daur  
Et quant longuement a vescu  
Et son temps de mourir venu  
Il vole sur vne montaigne  
Bien haulte/ou est vne fontaine  
Qui moult est grande / large et belle

Vng hault arbre est dessus icelle  
 Du lon nyd et sepulcre fait  
 Despices/puis quant est pfaict  
 Dedens se met/les ailles tend  
 Vers le soleil/et sen bat tant  
 Que le feu se prent et alume  
 Dedens son nyd/et en la plume  
 Tant que tout ars et brulle est  
 Et de la cendre/vng autre en naist  
**C**Puis vient damas et antioche  
 Du maint chastel ya sur roche  
 Palestine et puis samarie  
 Saluste aussi penthapolie  
 Ydome et sodome y furent  
 Deux citez qui periller deurent  
 Vers celle part est la mer morte  
 Qui riens en elle de vis porte  
**E**smelite vne autre contree  
 Y est/la quelle est habitee  
 De douze manieres de gent  
 Apres vient egipte la grant  
 Du nue/ne pluye ne vient  
 Qui .xxiij. peuples tient  
**P**lus a vne autre region  
 Grande/deuers septentrion  
 Du demourer nulz homes vont  
 fors femes/qui moult fieres sont  
 Car contre les homes combatent  
 En champ/et maintz y en abatent  
 Armees sont come vng chevalier  
 Et ont leurs tresses par derrier  
 femes sont de grande prouelle

De baillance/et de hardiesse  
Telles tenues et renomées  
Et amazones sont nomées  
Les homes ont/pres de leur terre  
Lequelz chün an vont requerre  
Destre avec elles iulques atant  
Quelles se sentent grosses deuant  
Lors se departent et sen vont  
Et quant acouchees elles sont  
Si cest fille/elles la gardent  
Et si cest filz/quieres ne tardent  
De leuoyer hors de leur pays  
Quant nourry lont cinq ans ou six  
Ces femmes ya dune autre sorte  
Dont chascune en bataille porte  
Ses armures toutes dargent  
Car de fer nont aucunement  
Ces bois dynde autres femmes sont  
Qui les barbes si longues ont  
Que sur leurs mamelles sarrestent  
Et de peaux de bestes se vestent  
Et viuent de bestes sauuaiges  
Quelles prennent par les bocaiges  
Plus ya homes et femmes nudz  
Qui come bestes/sont tous velluz  
En eue/et en terre habitans  
Et quant ilz voyent venir les gens  
Dedens leue se gectent alors  
Afin que prins ne soient dehors  
Ceste industrie t aduis ont  
Que de nuyt des pierres font  
Sortir/le feu pour la lumer

Nicolaus venet<sup>9</sup> in  
descriptione yndie.



Dessus la rive de la mer  
 Lequel ilz font flâmer tantost  
 Afin que les poissons plus tost  
 Se viennent a la clarte rendre  
 Pour plus facilement les prendre  
 Lesquelz ilz mengussent tous cruz  
 Ainsi vivent ces gens deluz  
 ¶ Autres sont grans cōme geans  
 Et cōme bestes mugillans  
 ¶ Autres fēmes ya pareilles  
 Blanchés cōme naige et moult belles  
 fors tant que dens ont de chien  
 Et dedens leaue se tiēent bien  
 ¶ Vne grant region ya  
 Qui .xliij peuples a  
 La / sont oyleaux plains de desouit  
 Dont les plumes / luyent de nuyt  
 Celle part sont les papegaiz  
 Qui ne sont pas plus grans que sayz  
 Tous vers et luyans cōme vng paon  
 Dont les plus gentilz ce dit on  
 Ont en leurs piedz chūn cinq doiz  
 Et les vilains nen ont que trois  
 Leur queue ilz ont longue et estroicte  
 Cōme vne pie / et ainsi droicte  
 Le bec crochu cōme vng faulcon  
 Et a parler leur aprent on  
 ¶ Autre oyleau ya qui sapelle  
 Pellican / de nature telle  
 Que sil treuve les petiz mors  
 Du nyd / quant il vient de dehors  
 De leur pourchasser leur pasture

Tantost du bec se fait morsure  
 En la poictrine / iusque atant  
 Que sur eulx de son sang respant  
 Dont incontinant vie reprenent  
 Et ou premier estre reuiennent  
**C** En albanie a vnes gens  
 Qui trestous ont les cheueux blancs  
**C** Ong hault mont en armenie a  
 Du larche noe repola  
 Apres que les eaues sabaisserent  
 Du deluge et se retirerent.

**C** Asie la mineur et de ses regions.

Vincencius vbi su:  
p. 29.



**A** Pres vient asie la minour  
 Qui close est de mer tout entour  
 La ou sont maintes regions  
 Dont pas ne dirōs tous les noms

En ceste sont frise et dardaine  
 Laou paris rauit helaine  
 Dont troye la grant fut destruiete  
 Quen la fin de grece est construiete  
 Celle part est la chaonie  
 Et vne autre qu'on dit charcie  
 Du hermes court vng fleuve grant  
 Dont le grauer est dor luyfant  
 Et celle part deuers la fin  
 Nous viennent les pailles dor fin  
 Dautre part / deuers orient  
 Est vne maniere de gent  
 Qui des iuitz est descendue  
 Orde est / et vile tenue  
 Et iamais fēme nespouent

Pource quilz dient et proposent  
Que fême ne sauroit en lôme  
Se tenir a vng seul hôme  
Et nen ont cure fors de tant  
Quengendrer ilz veulent enfant  
Cautres gens ya barbarins  
Qui se font nômer iacobins  
Pour iacob/qui deulx fut lur maistre  
Et xp̄tians les dit on estre  
Non pas bons/mais sont corrompuz  
Et telz reputez et tenuz  
Pour ce que avec larrazins font  
Maraiges/qui pres deulx sont  
Ilz tiennent de pays ce dit on  
Quarante lieues ou enuiron  
Les gens icy nullement croyent  
Que a hôme confesser se doyent  
Sinon a dieu tant seullement  
Ainsi font/et non autrement  
Et quant se confessent adieu  
Pres deulx mectent encens et feu  
Et cuydent que par la fumee  
Vers dieu sen voise leur pensee  
Qui est a eulx folle esperance  
En saint iehan baptiste ont creance  
Qui leur bailla premierement  
Baptelme/et dire leur couient  
Premier/que receuoir baptelme  
Trestous leurs pechez/aenlx mesme  
Mais saint iehan apresche/et dit  
Qui les pechez confesse et dit  
A vng autre/lorreur quil a

Magister sententiarum. li. iij. di. xvij. per totum.

Et la honte/que a les dire a  
Lui sont en lieu de penitance  
De les pechez/et alegeance  
Et de pecher mieulx on se tient  
Quant on scet que dire cōuient  
A vng autre tout son affaire  
Premier qu'on puisse adieu complaire  
Plus dit led saint iehan baptiste  
Que le baptelme nous rend quicte  
Enuers dieu de tous noz pechez  
Par confession espurgez  
Dont ces gens bien abusez sont  
Qui ainli du contraire font  
En ceste part sont autres gens  
Xpians/en dieu mieulx creans  
De force/et de prouelle/plains  
Et sont des sarrazins fort crains  
Tant que enuers eulx ilz nosent faire  
Chose quilz senteur leur desplaire  
Ilz sont enuirōnez de gens  
felons/puers/et mescreans  
De saint george portent le nom  
Car georgiens les appelle on  
Lequel saint/inuoquent tousiours  
Pour estre en leur ayde et secours  
Quant leurs batailles veulent faire  
Contre payens pour les defaire  
Ilz le reclament/prient/et orent  
Sur tous autres saints/et honorent  
Chascū diceulx courōne porte  
Mais non pas toutes dune sorte  
Car celles des clercs/rondes sont